



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:

**Share** — copy and redistribute the material in any medium or format

**Adapt** — remix, transform, and build upon the material

396  
P-41

0120-10

396  
F-44



ԲԵՒԷԼ

139

ԿՆՈՋ ՆԵՐԿԱՅ  
ԵՒ ԱՊԱԳԱՅ ԴՐՈՒԹԻՒՆԸ

Թարգ. ուստերէնից

Օր. ՍՕՖԻԱ ՇԱՀՆԱԶԱՐԵԱՆ



ԹԻՖԼԻՍ

Էլիպորաչարժ տպարան «ՆԵՐՍԷՍ» ընկերութեան

1905

(129)

MAR 2013

Գեղը բոլորեց Եր. Կաշեմերյան Կաշեմերյան  
Գրադարանը ԲԵԲԷԼ Բաղրև Անդրյան  
Խաղաղության և շրջանակ Արթուր Գառնիկյան  
1914. II. 26.  
Երևան.

~~200~~  
P-723

ԿՆՈՁ ՆԵՐԿԱՅ

ԵՒ ԱՊԱԳԱՅ




ԳՐՈՒԹԻՒՆԸ

396  
P-41  
4  
36637

Թարգ. առևերհնից

Օր. ՍՕՖԻԱ ՇԱՀՆԱԶԱՐԵԱՆ



ԹԻՖԼԻՍ 1906

Տպարան „ՀՆՐԱՒԷՍ“ Մադաթեան փող. 15-

(128)

Дозволено цензурою. Тифлисъ, 8 июля 1905 г.

Հեղինակներից շատերն այն կարծիքի են, որ ամուսնութիւնը պէտք է լինի մի մասնաւոր դաշն: Այդ կարծիքը շատ արմատական է երևում, բայց ժամանակակից սօցիալական պայմաններում այդպիսի մասնաւոր դաշն տակաւին չի փոխի կնոջ դրութիւնը: Կնոջ համար դա ունի նոյնքան չնչին նշանակութիւն, որքան այն փաստը, որ կինը իւր ոյժին և բնդունակութեան համապատասխանող ինչ աշխատանքի շրջանում էլ լինի, կարող է միջոցներ ձեռք բերել իւր գոյութեան համար: Երկու դէպքումն էլ նա ճնշուած էակ է, որովհետև ոչ միայն նրա անտեսական ազատութիւնը, այլ նոյն իսկ ամուսնանալու և ապահարզան ստանալու հեշտութիւնը չէ կարողանում նրան պաշտպանել անտեսական և հասարակական ճնշումից ու շահագործութիւնից: Քանի որ կինը իր սօցիալական դրութեամբ (այսինքն անտեսական) չի լինի բոլորովին անկախ և տղամարդու դրութեան հաւասար, քանի որ երկու սեռի քաղաքական իրաւունքները չեն հաւասարութի, ամուսնութեան մասնաւոր բնաւորութիւնը նոյնքան քիչ օգտակար կը լինի կնոջ համար, որքան ամենագեղեցիկ սահմանադրութիւնը ժողովրդի համար, որի իրաւունքները և ազատութիւնը դե-

կապարում են տէրութիւնը և տիրապետող դասակարգերը, ունենալով իրանց ձեռքին ոչ միայն հարստութիւն, այլ և ֆիզիքական և հոգեկան իշխանութիւն: Ժողովրդի համար այսպիսի սահմանադրութիւնը միայն թղթի վրայ է: Մասնաւոր ամուսնական դաշն ներկայ դրութեան մէջ կնոջ համար աւելի վնասակար է, քան օգտաւէտ:

Երբէք բուրժուա հասարակութիւնը չի համաձայնի ընդունել ամուսնական դաշնը իբրև բացառապէս մասնաւոր դաշնադրութիւն, որովհետև ամուսնութիւնը անքակտելի կերպով կապուած է բուրժուական սեփականութեան հետ, նոյն իսկ անհրաժեշտօրէն այդ տեղից է բղխում: Բուրժուական դասակարգը չի համաձայնում ամուսնութիւնն ընդունել իբրև մասնաւոր դաշն, չը նայելով, որ ամուսնութեան դաշնի քակուելու դէպքերը շատ յաճախ են կրկնուում և իսկապէս պէտք է յաճախ կրկնուեն, որովհետև ամուսնութեան դաշնը, իսկապէս ասած, ստիպողական մի հիմնադրութիւնն է. — ամուսնանում են ոչ թէ իրանց ներքին համոզմունքից զրգուած, այլ գանազան հաշիւներից:

Տղամարդը շնորհիւ իւր տնտեսական և սօցիալական դրութեան, կազմում է տիրապետող կողմ և զբանով բացատրվում է այն ազատութիւնը, որ նա թոյլ է տալիս իրան՝ կնոջ վերաբերմամբ: Իրանով է նոյնպէս բացատրվում և այն, որ հաւատարմութեան խանգարումն ամուսնութեան մէջ մեծ մասամբ լինում է տղամարդու կողմից. այդ է պատճառը, որ կինը ամուսնութեան

մէջ միայն կրաւորական դեր է խաղում: Եթէ այր-ամուսինն է խախտում ամուսնութիւնը, նրա այդ վարմունքը մնում է առանց մի որ և է հետևանքի: Կինը շատ դէպքերում ստիպուած է հաշտուել այր-ամուսնու անհաւատարմութեան հետ, որովհետև նա իւր ամուսնուց կախում ունի, որովհետև նա նրա դոյութեան նեցուկն է և նրա ներկայացուցիչն է հասարակութեան մէջ: Իսկ եթէ կինն է թողնում իւր ամուսնուն, մեծ մասամբ նա անպաշտպան դրութեան մէջ է լինում, նոյն իսկ սարսափելի դրութեան՝ եթէ երեխաներ ունի: Եւ եթէ նոյն իսկ թողնէր ամուսնուն զեկաւարուելով իւր պատուի և սեփական արժանաւորութեան գիտակցութեամբ՝ «հասարակութիւնը», չնայելով կնոջ արդարութեան, վերաբերվում է դէպի նա իբրև մի կիսաաքսորականի, որ առանց ամուսնու արհամարհուած է և բոլորը խորշում են նրանից: Նա յետոյ, ի հարկէ, ձեւական ապահարզան ձեռք բերելուց յետոյ, կարող է նորից ամուսնանալ, բայց ուր են այնպիսի տղամարդիկ, որոնք վերցնեն ամուսնուց բաժանուած կնոջը և այն էլ երեխաներով: Միայն հարստութիւնը կարող է այդպիսի կնոջը զրաւիչ դարձնել, բայց այն ժամանակ վերցնում են ոչ թէ նրան, այլ նրա հարստութիւնը: Իսկ տղամարդը առանց մի որ և է դժուարութեան գտնում է իւր համար ուրիշ կին կամ, առանց տհաճութիւն պատճառելու հասարակութեան, ազատ ապրում է մէկի հետ: Հէնց սրանու մն է կայանում տղամարդու և կնոջ դրութեան մէջ եղած տարբերութիւնը:

Այսպիսի պայմաններում կինը համբերութեամբ տանում է ամուսնութեան մէջ անտանելի ստորութիւններ և վճռում է զիմադրել միայն այն դէպքում, եթէ նա ունի ծնողներ, բարեկամներ կամ հարստութիւն, որոնք պիտի նրա նեցուկը լինեն: Բայց նոյն իսկ այս դէպքում, նա պատրաստ է տանելու շատ ու շատ բան, որովհետև ծնողներին և բարեկամներին կարծիքով չը կայ աւելի մեծ դժբախտութիւն, քան ամուսնաթող լինելը: Իսկ որտեղ կինը գուրկ է նաև վերոյիշեալ պաշտպանութիւնից, նա այնտեղ ստիպուած է տանել ամեն տեսակ անբաւականութիւններ, կրել ամեն տեսակ վիրաւորանքներ, համբերել իւր ամուսնու բոլոր քմահաճոյքներին, կոպտութիւններին ու վատ վարմունքին, մի խօսքով ստորանում է ինքը իւր սոսաջ, քան վճռում է այդպիսի մի քայլ անել: Եթէ նա կորովի բնաւորութեան տէր կին է, այն ժամանակ կաշխատի գործ գնել իւր ունեցած միակ զէնքը—իւր լեզուն: Կնոջ լեզուն, — որ սոսաժ է դարձել, ինչպէս և կնոջ, բանաստեղծների երգած ու գոված համբերութիւնը և հեղութիւնը, ազամարդկանց բռնակալութիւնից առաջացած մի հետեանք է, հետեանք հազարամեայ բնական բնորոգականութեան ու ժառանգականութեան: Կնոջ համբերութիւնը, հեղութիւնը և զիջողութիւնը դէպի ազամարդը մեծ մասամբ ոչ թէ բարեգործութեան կամ առաքինութեան հետեանք է, այլ հետեանք թուլութեան, ուրեմն և — յանցանք:

Տղամարդու բռնակալութիւնը դէպի կինը

նման է բուրժուայի բռնակալութեան դէպի պրօլետարիատը, շատ անգամ առաջինն աւելի խիստ, քան երկրորդը: Պրօլետարիան իր բանուորական ոյժը ծախում է գործատիրոջը ժամանակաորայէս. եթէ նա գոհ չէ, մեծ մասամբ կարող է գտնել իր համար նոր ու աւելի լաւ գործատէր: Իսկ կինն ընդմիշտ կապուած է իր տղամարդու հետ: Նոյն իսկ այն դէպքում, եթէ կինն ամեն օր, ամեն ժամ իր մարդուց նեղութիւններ է կրում, պէտք է համբերի և ամուսնական շղթան տանի մինչև զերեզմանը: Պրօլետարիան աւելի անկախ է բուրժուայից, քան կինը ազամարդուց: Առաջինը կարող է հեշտ միջոցով ձեռք բերել պատիւ և իրաւունք և կարեւոր դէպքում կոխ մղել իր հակառակորդի դէմ, միանալով իր համահաւասարների հետ: Ուրիշ կերպ է կնոջ դրութիւնը: Իբրև կին, նա պէտք է տանի բոլոր վիրաւորանքները. օրէնքը նրան աւելի քիչ է պաշտպանում, քան պրօլետարիային, և այն էլ միայն շատ ծայրայեղ դէպքերում: Երբ օրէնքը միջամտում է, նա տալիս է միայն ապահարգանի իրաւունք, բայց այդ ապահարգանքը կնոջը աղքատութեան դուռն է գցում և նրան անել դրութեան մէջ գնում, տալով ազամարդուն ախորժելի հնարաւորութիւն, երկրորդ անգամ ամուսնանալու:

Պրօլետարը իբրև տղամարդ, չափահաս դառնալուն պէս առանց սահմանափակման իր անձի տէր է, նա ունի քաղաքական և սօցիալական իրաւունքներ (լինեն նոքա նոյնիսկ ամենաչնչին), որոնց կարող է գործադրել, իբրև զէնք, իւր հարստա-



հարիչները դէմ կուուելիս: Իսկ ամուսնու հետ շրջ-  
 թայուած կնոջ վրայ նայում են ինչպէս երե-  
 խայի վրայ, ինչպէս մի անպաշտպան էակի վրայ:  
 Նա գտնուում է ամուսնու հովանաւորութեան ներ-  
 քոյ, նա իրաւագօրեկ է, որովհետև նրան յայտա-  
 րարել են անչափահաս քաղաքացիապէս և քաղա-  
 քականապէս: Բոլոր քաղաքացիական օրէնքները  
 նայում են կնոջ վրայ, իբրև ամուսնու հովանա-  
 ւորութեան ներքոյ գանուողի վերայ, զրկելով նրան  
 ինքն իրան զեկավարելու ազատութիւնից և դա-  
 տարանում առանց ամուսնու թոյլատուութեան  
 ցուցմունքներ տալու իրաւունքից: Կինը լինելով  
 զուրկ քաղաքական իրաւունքներից, իւր օժիտով  
 քաղաքական իրաւունքներ է տալիս իւր ամուս-  
 նուն, որքան այդ իրաւունքը կախումն ունի սե-  
 փականութեան ցենզից: Գերմանիայում Սակսոնա-  
 կան և ուրիշ համաձայնական կանոնադրութիւն-  
 ները տալիս են կնոջը, եթէ նա կալուածատէր է  
 և ամուսնացած չէ, ներգործական ընտրողական  
 իրաւունք, զրկելով նրան ընտրուելու իրաւուն-  
 քից: Բայց հէնց որ ամուսնանում է, նա այդ ի-  
 րաւունքից զրկւում է, որը անցնում է նրա ամուսնուն,  
 նոյն իսկ եթէ վերջինս ոչինչ սեփակա-  
 նութիւն չունի: Մարդը նրա տէրն է, կնոջ «ես»-ը  
 ոչնչանում է: Ամուսնութեան ժամանակ մարդը  
 երգւում է հաւատարմութեամբ, իսկ կինը ոչ  
 միայն հաւատարմութեամբ, այլ և հնազանդու-  
 թեամբ: Եւ կնոջ այդ ստրկային դրութիւնը մի-  
 այն եկեղեցական պատկազրութեամբ չի արտա-  
 յայտւում. քաղաքացիական պատկը նոյնպէս պա-

հանջում է հնազանդութեան երդումն:

Տղամարդու դրութիւնը բոլորովին այլ է:  
 Կնոջ զանցատութիւնը ամուսնական հաւատար-  
 մութեան դէմ քննվում է իբրև լուրջ յանցանք,  
 իսկ մարդու համար համարուում է միայն չնչին  
 մեղք: Տղամարդու այդ ազատութիւնը ամուսնա-  
 կան հաւատարմութեան դէմ ընդունուած է օրի-  
 նական ճանաչել նոյն իսկ կնոջ կողմից: Այսպէս,  
 օրինակի համար, տղամարդու սեռական յարա-  
 բերութիւնը մինչև ամուսնանալը ընդունում են  
 իբրև մի սովորական երեոյթ, երբեմն նոյն իսկ  
 գովասանքի արժանի: Կան կանայք, որոնք հպար-  
 տանում են նրանով, որ իրանց յաջողուել է  
 «ճանկել» վերջապէս անառակ մարդուն: Եւ մեր  
 «բարձր դասակարգերի» տղամարդը յաճախ իւր  
 համար օրէնք է դարձնում ամուսնանալ միայն  
 «կեանքի բոլոր գուարճութիւնները ճաշակելուց»  
 յետոյ, ուրիշ խօսքով, սեռական յագումից յե-  
 տոյ, երբ նա կէս կամ կատարեալ ինվալիդ (տը-  
 կար գինուոր) է, զգում է կնոջ կարիք, որը կը  
 խնամի նրան: Շատ կանայք նոյն իսկ ամուսնու-  
 թեան մէջ թոյլ են տալիս, որ իրանց այրերը սե-  
 ռական յանցանքներ գործեն և գոհ են, եթէ այդ  
 պատահում է միայն որոշ սահմաններում, երբ  
 պահպանուած է արտաքին քաղաքավարութիւնը  
 և վերջնականապէս չեն արհամարհուած ամուսնա-  
 կան պարտականութիւնները: Հարիւր երիտասար-  
 դից իննըսուն իննը կը հրաժարուի այն օրիորդից,  
 որ ունեցել է յարաբերութիւն մի ուրիշ տղամար-  
 դու հետ: Իսկ իրանց վերաբերմամբ այդ համա-

բում են այնքան բնական և արդարացի, որ այն ամուսնացող երիտասարդը, որ յայնուժ է թէ մինչև ամուսնութիւնը մաքուր է մնացել, ծաղրուում է իբրև յիմար:

Չը կայ աւելի վնասակար բան, քան մերժել բնութեանը իւր իրաւունքները և պահանջները: Սեռական յարաբերութիւնը չափահասութեան միջոցին նոյնքան կարևոր է, որքան հացը, շուրը, հանգստութիւնը և քունը: Եթէ ճնշում են սեռական ցանկութիւնը և բաւարարութիւն են տալիս ուրիշ անբնական ճանապարհով, քայքայւում է առողջութիւնը: Իայց միթէ բնութիւնը այդ պահանջները միայն տղամարդուն է յառաջագրում: Արդեօք սեռական ցանկութեան ճնշումից չէ՞, որ հասունացած հասակում կան բազմաթիւ հիւանդ կանայք:

Տղամարդը, եթէ նա ամօթխած չի, ելք է վնասուում իւր սեռական ցանկութեան համար և հեշտութեամբ էլ գտնում: Իսկ կնոջից նա խիստ ատելութեան սպառնալիքով պահանջում է գօռով զսպել իւր սեռական ցանկութիւնները մինչև որ բերմունքը նրան մի ամուսին կը տայ: Եթէ այդպիսի մարդ չէ գտնուում և նա մնում է «պառաւած աղջիկ» — ամենաթշուառ մի էակ երկնքի տակ «որ ենթարկուած է յաճախ անխիղճ ծաղրի, ինչպէս իւր քիչ թէ շատ բախտաւոր ընկերութիւններից. նոյնպէս և տղամարդկանցից — ապա նրանից աւելի խիստ են պահանջում առաքինութիւն և ինքնազսպում: Նրան համարում են հին կահ կարասիք, բոլորովին անպէտք մի իր հասարակութեան համար:

Եւ իբրև, ժամանակակից պայմաններում կնոջ սեռական զսպումն հեռեանք է միայն այն հարկադրանքի, որ առաջանում է տղամարդու անձնապաշտութիւնից: Նա պահանջում է կնոջից սեռական մաքրութիւն ոչ միայն այն պատճառով, որ այդ հաճելի է իր եսամոլութեան, այլ և նրա համար որ ունենայ գրաւական թէ ինքը չի ունենայ ուրիշ սիրոյ պտուղը և ուրեմն ընդունել իւր վրայ համապատասխան քաղաքացիական պարտականութիւններ: Իսկ ինքը ընդհակառակը մեծ մասամբ համարում է անհամապատասխան իւր արժանիքին՝ անել կնոջը իւր կողմից նոյն գոհողութիւնը: Իւր սիրապետող զիրքէ՞ շնորհիւ, նա մեղանշում է, իսկ կինը՝ նրանից կախումն ունենալու և ընդհանուր նախապաշարմունքների պատճառով ստիպուած է և ընտելացել է ամուսնանալ մեղանշողի հետ:

Այդպէս է հասարակական յարաբերութիւնների սիրապետող իշխանութիւնը: Եւ «հասարակական կարծիքը», որի արտայայտողները գլխաւորապէս իրանք տղամարդիկ են, ստեղծում է այնպիսի մի ճնշում, որ կանայք ախամայ ենթարկւում են նրան և նոյն իսկ իրանք էլ ձայնակցում են «ընկած» կանանց դատապարտութեան: «Ձահին» պատրաստ են քարկոծել, իսկ «յանցաւորը» փայլող գէմքով վերադառնում է գէպի հասարակութիւն, և տղամարդկանց յօրինած օրէնքները քաջալերում են նրան իր վարմունքների մէջ: Եւ այս կոչւում է քաղաքացիական բարոյականութիւն:

Սեռական ցանկութեան ոյժով զսպելը առաջացնում է մի շարք վնասակար հետեանքներ, ստեղծելով հիստերիա, որ վերջը խելագարութեան է մատնում:

Լիւտերը, որ սակայն իւր քահանայական բխամտութեամբ պատճառեց շատ դժբախտութիւններ, շնորհիւ իւր սեռական ցանկութեան զսպման, որ պարտաւորեցրել էր այդ ուժեղ և առողջ մարդուն վանական կեանքը, հասկացաւ ամուրի կեանքի և սեռական յարաբերութիւնից զրկուելու անբնականութիւնը: Այն, ինչ նա ասաց սրա մասին, կարելի է համարել ամենից ճշմարիտը և լաւը, ինչ որ առհասարակ կարելի է ասել այս հարցի վերաբերմամբ: Նա ասում է. «Կինը չի կարող մնալ առանց տղամարդու այնպէս, ինչպէս առանց ուտելու, խմելու, քնելու և այլն: Միւս կողմից և տղամարդը կնոջ կարիք է զգում: Պատճառն այն է, որ մարդու բնութեան մէջ նոյնքան խոր է որդեճնութեան ցանկութիւնը, որքան և ուտելու ու խմելու ցանկութիւնը: Եւ դորա համար էլ Աստուած տուեց մարդուն զանազան անդամներ, անօթներ, նեարդեր և այն ամենը, ինչ հարկաւ որ է կեանքի համար: Ով ուզում է սորան դիմադրել՝ անմիտ է վարվում, որովհետեւ դա միևնոյն է թէ ստիպես որ բնութիւնը դադարէ բնութիւն լինելուց, որ կրակը չը վառուի, մարդը չուտէ, չը խմէ, չը քնէ:

Բայց հասարակական պայմաններն այնպէս են, որ խանգարում են մեծ մասամբ կնոջ սեռական բաւականութեան: Ոչ միայն նրա սօցիալա-

կան դրութիւնն է ստիպում երկիւղով սպասել, թէ արդեօք կը գտնուէ՞ մի ամուսին, որին նա զուցէ և չը սիրէ, — այլ և ինքը հասարակութիւնը պատերազմով և գաղթականութեամբ աշխատում է, որ սեռերի յարաբերութիւնը կնոջ համար աննպաստ ուղղութիւն ստանայ: Բնութեան մէջ այսպիսի անչափակցութիւն (ի վնաս կանանց սեռի) գոյութիւն չունի, որովհետեւ վիճակագրութիւնը հաստատում է, որ 100 աղջկան զալիս է 105 տղայ, այսինքն մինչև անգամ հինգ հոգի աւելի այ տղամարդկանց դասից: Միւս կողմից, ժողովրդագրութիւնը 1872 թ. Գերմանիայում ցոյց է տալիս կանանց սեռի նկատելի գերակշռութիւնը տղամարդկանց սեռից, այսինքն կանանց թիւը 20906739 էր, իսկ տղամարդկանցը — 20151902: Կանանց սեռի թիւը այսպիսով 754837-ով աւելի գլխաւորապէս չափահասներով, որովհետեւ, ինչպէս ցոյց է տուած, ծնուածներից տղամարդկանց թիւը աւելի մեծ էր կանանց թուից: Գեկտեմբերի 1-ին 1890 թ. կային 24230832 տղամարդ և 25197638 կին մարդ: Դարձեալ կանայք տղամարդկանցից 966806 ով աւելի: Ինչպէս ասուած է, այս երևոյթի գլխաւոր պատճառները պատեէ, այս երևոյթի գլխաւոր պատճառներն են: Այս թուերի բազմը և գաղթականութիւնն են: Այս թուերի համաձայն գերմանացի կանանց անագին քանակութիւնը զատապարտուած է ամուրիութեան: Այս թիւն էլ աւելի մեծանում է նրանով, որ շատ երիտասարդներ տնտեսական թէ ուրիշ պատճառներից զրգուած հրաժարվում են ամուսնանալուց: Այս ամենը զանազան տեսակ անբնական

գրութիւններ է առաջացնում: Կնոջ չամուսնանալու վտանգը մեծանում է ժամանակակից պայմաններում ամենայն տարի և չի կարելի մեղադրել աղջիկներով հարուստ ընտանիքը, որ մտահոգութեամբ սպասում է ապագային: Միւս կողմից այս պայմանները կնոջ մէջ զարգացնում են բնաւորութեան այնպիսի գծեր, ինչպէս սէր դէպի զարգերը, սնափառութիւն, տղամարդկանց որսալը, խանդ, որը յաճախ ծաղրի և բամբասանքի է ենթարկվում, բայց որը այս պայմանների բնական հետեանքն է: Մորա շնորհիւ պոռնիկութեանը մնում է հարուստ հունձ, բազմաթիւ թեկնածուներով:

Կանանց բնաւորութեան այս վատ գծերը, որոնք հասարակութիւնից այնքան յաճախ դատապարտվում են, հեշտ հասկանալի են, իբրև կանանց կեանքի պայմանների բնական հետեանք:

Բուրժուա հասարակութիւնը կարող է պախարակել և ծաղրել, — և նա այդ անում է շատ յաճախ — բայց նա անգոր է փոխել այդ պայմանները կամ յետ մղել, որովհետև նա ինքն է ստեղծել նրանց: Կանանց բնաւորութեան այդ յատկութիւնները միայն այն ժամանակ կը վերջանան, երբ բուրժուազական հասարակութեան տեղ կը լինի առողջ և կանոնաւոր ձևի հասարակութիւն:

Նոյն հասարակական պայմանները, այնքան անբարեյաջող կերպով ազդելով կանանց ազատութեան զարգացման վերայ, նպաստում են տղամարդուն, մանաւանդ երբ նա նիւթապէս բաւականին ապահոված է, սեռական բաւականութիւններին անձնատուր լինելու: Տղամարդու համար նոյն իսկ

ամուսնութիւնը, ինչպէս յայտնի է ամեն մէկիս, արգելք չէ հանդիսանում և յաճախ միայն նրա համար, որ ամուսնութիւնը եղել է առանց անկեղծ սիրոյ: Յիշեցնում եմ, բացի դրանից, թէ ինչպէս ստոր և անբարոյական միջոցներ են գործադրում, սովորաբար բարձր դասակարգի «չը պսակուած պարոնները» իրանց բթացած զգացումները զրգռելու համար:

Կնոջ նիւթական կախումը և նրա տղամարդկանցից դիտաւորեալ կերպով պահպանուած հոգեկան խակութիւնը, կապուած այն փաստի հետ, որ անհաւատարմութիւնը և գոյութեան կրօնը ստիպում են տղամարդուն ժամանակակից սօցիալական պայմաններում, ամուսնութեան վրայ նայել փողի տեսակէտից, — կնոջը զարձնում են ապրանք ու ամուսնութիւնը — մի ստոր առևտուիր գործ: Բնական, այսինքն բարոյական տեսակէտը երկրորդական տեղ է բռնում: Կինը տղամարդուց չափազանց մեծ աստիճանով կախուած գրութեան մէջ է ընկնում:

Այդպիսով ժամանակակից հասարակութեան մէջ յարաբերութիւնները սեռերի մէջ նոյնքան վատառողջ են, որքան և բուրժուայի և պրօլետարիայի մէջ: Տղամարդը իրաւունքների տէր է, կինը միայն պարտաւորութիւններ ունի:

Բայց որքան էլ փաստակար լինի, մինչև անգամ անքնական մարդկային բարձր տեսակէտից, այդ վիճակը այնուամենայնիւ նա բնական է և միակ հնարաւոր ժամանակակից հասարակութեան տեսակէտից: Կանանց կախումը տղամարդկանցից

հիմնուած է նոյն պայմանների վրայ, ինչպէս պրօ-  
լէտարիայի կախումը բուրժուայից:

Մասնաւոր սեփականութեան աշխարհը պա-  
հանջում է որ լինեն պրօլէտարիաներ, որպէս զի  
սեփականութիւն արտադրեն, բայց նա նոյնպէս  
պահանջում է «օրինական երախայք», որ ժառան-  
գեն իրան: Սեփականութեան կուտակումն բուր-  
ժուայի համար ոչ միայն մի միջոց է նպատակի  
համար, այլ նոյն ինքն նպատակն է նրա համար  
և նրան հարկաւոր է ժառանգ ոչ թէ Հոովմայ-  
եցու նման վերջին կամքը կատարելու համար,  
այլ իբրև իւր սեփականութիւնը պահպանող:  
Դա սեփականութեան իրաւունքի պահպանելն է  
մահուանից յետոյ, սեփականատիրոջ կեանքի շա-  
րունակութիւնը գերեզմանում: Ծնելով ժառանգ,  
կինը նրա համար դառնում է արդիւնաբերու-  
թեան գործիքներից մէկը:

Եւ այդ պատճառով նա ամուսնանում է սիրուց  
զրդուած միայն այն ժամանակ, երբ յափշտակուած  
կնոջ գեղեցկութեամբ միևնոյն ժամանակ գտնում  
է սեփականութիւնը հաւաքելու իր ազահութեան  
բաւարարութիւնը կնոջ բերած օժիտի մէջ: Ու-  
րեմն ամուսնութիւնը նրա համար դառնում է  
վաճառականական ձեռնարկութիւն, որին նա ձեռ-  
նամուխ է լինում նոյնպիսի հաշուով, ինչպէս և  
ամեն մի ուրիշ ձեռնարկութիւն: Նա վերցնում է  
կին առանց հրապուրուելու, առանց սիրոյ, եթէ  
միայն կինը բերում է իւր հետ հարուստ օժիտ և  
տալիս է նրան յոյս ծնելու նրա համար օրինաւոր  
ժառանգներ:

Ամուսնութեան այս բուրժուական բնաւորու-  
թիւնը հիմնուած կալուածական յարաբերութիւն-  
ների վրայ, մտել է հասարակութեան բոլոր դասա-  
կարգերի խաւերը: Միայն ամենաստորին խաւերում  
որտեղ սեփականութեան խնդիրը մեծ մասամբ գեր-  
չի խաղում, պահպանվել է ամուսնութիւնը իբրև մա-  
քուր զգացմունքի գործողութիւն: Այստեղ պայամար-  
դու և կնոջ յարաբերութիւնների մէջ կայ հաւա-  
սարութիւն, եթէ ոչ օրէնքի համաձայն, — որով-  
հետև այստեղ ևս անբաժանուած են քաղաքացիա-  
կան բուրժուական ձևերը, — դոնէ իրականացէս  
աւելի մեծ չափով է երևում, քան բարձր գա-  
սակագերում: Ամուսնական յարաբերութիւնների  
խախտումը դրա համար էլ ստորին խաւերում  
աւելի սակաւ է տեղի ունենում իբրև սեռական  
վաւաշոտութեան հետևանք, իսկ աւելի յաճախ  
լինում է նիւթական կարիքի և դրանցից առա-  
ջացած շարիքների հետևանք. վատ կրթութիւն,  
կոպտութիւն և հարբեցողութիւն: Այսպիսի գէպ-  
քերում պրօլետարիայի կինը շարժարւում է եր-  
կու տեսակ. նա ամուսնանում է իբրև կին և իբրև  
պրօլետարիատ:

ԿՏ90Կ

Այստեղից երևում է, որ ամուսնական դա-  
շնը մասնաւոր դաշն յայտարարելը կնոջ քիչ օ-  
գուտ կը բերի ճիշտ այնպէս, ինչպէս պրօլետա-  
րիային անտեսական ազատութեան յայտարարու-  
թիւնը: Վերջինն ամբողջովին օգտաւէտ է դրա-  
մաւիրոջ համար, ճիշտ այնպէս, ինչպէս ամուս-  
նութիւնը, մասնաւոր դաշն դարձրած կը տար  
տղամարդուն աւելի մեծ իշխանութիւն կնոջ վե-

բայ: Այստեղ մենք ամենեկին աչքաթող ենք ա-  
նում այն հանգամանքը, որ բուրժուական հասա-  
րակութիւնը դէպի մասնաւոր սեփականութիւնը  
և նրա հետ կապուած ժառանգական իրաւուն-  
քներն ունեցած իր վերաբերմունքի պատճառով,  
չի կարող համաձայնել այս ձեով ամուսնութեան  
հետ: Կինը տղամարդու հետ հաւասար իրաւունք  
կունենայ այն ժամանակ, երբ նրանք երկուսն  
էլ կը լինեն միահաւասար զրութեան մէջ ոչ մի-  
այն իրաւաբանական, այլ և անսուսական տեսա-  
կէտից, երբ կինը կօգտուի նոյն մարդկային իրա-  
ւունքներով, ինչ որ տղամարդը-երբ հասարակական  
յարարեբութիւնները տղամարդու համար կնոջ  
վերաբերմամբ անկարելի կը դարձնեն իշխող դե-  
րը, ինչպէս այդ գոյութիւն ունի այժմս, երբ  
ինքը կնոջ կերակրողն է հանդիսանում:

Հասարակական այն կազմակերպութիւնը, որ  
չէ ճանաչում ոչ հարստահարողին և ոչ հարստա-  
հարուողին ոչ միայն քաղաքական, անտեսա-  
կան և կրօնական, այլ և սեռերի յարաբերութիւն-  
ների մէջ, սօցիալիստական կազմակերպութիւն է:

Միայն սօցիալիստական կազմակերպութեան  
միջոցին կինը, ինչպէս և ամեն մի ճնշուող ձեռք կը  
բերէ կատարեալ մարդկային իրաւունքներ: Սօ-  
ցիալիզմի նպատակն է հասարակութեան ըստ  
անդամների, ուրեմն և կանանց ոյժն ու ընդու-  
նակութիւններն ամենաբարձր զարգացման հաս-  
ցնել: Նա պահանջում է հասարակութեան բոլոր  
անդամներից, ուրեմն և կանանցից, նրանց ոյժի  
և ընդունակութիւնների գործադրութիւնը յա-

նուն ընդհանրութեան օգտի: Նա տալիս է բոլոր  
անդամներին, ուրեմն և կանանց լիուլի քաժին  
հասարակական վստասկի և ամեն մի գործունէ-  
ութեան հետեանքի մէջ: Միայն սօցիալիստական  
կազմակերպութեան մէջ սէրը, մարդկային այդ  
ամենաազնիւ զգացմունքը, կարող է կատարելա-  
պէս և ամբողջովին զարգանալ. բոլոր կեղծ նա-  
խապաշարմունքները, ընտանեկան կեանքի եր-  
ջանկութեան բոլոր խոչնդոտները վերացվում են,  
կինը և տղամարդը արդարև հաւասար իրաւուն-  
քներ ունեն, միայն նրանց հակումը և ձգտումը  
դէպի միմեանց երևան է զայիս իբրև վճռական  
պայման ամուսնութեան ժամանակ: Ինչպէս այժ-  
մեան զրութիւնը սրան նման չէ: Ինչպէս յա-  
ճախ են այժմեան ամուսնութեան մէջ մշտական  
կոխներն ու անբաւականութիւնները, հասնելով  
յաճախ կոպիտ բռնութեան և նոյն իսկ յանցան-  
քների: Որտեղ չը կայ սէր, — որովհետև ամուս-  
նութիւնը սկզբից մի հարկադրուած պատկ է,  
հիմնուած միայն նիւթական կամ դասակար-  
գային հաշուի վրայ — այնտեղ շուտով յայտնում  
է ստելութիւն ամուսինների մէջ, մանաւանդ այն  
դէպքում, երբ մի կողմը ստիպուած է լինում  
միւսի վերաբերմամբ ստանձնել զանազան պար-  
տականութիւններ, խանգարելով ազատ կամ-  
քի ինքնատրոշութեանը և ուրիշ հակումներին  
բաւարարութիւն տալուն: Յաճախ պարապութիւ-  
նը կամ չափից դուրս շոայլ կեանք վարելը յա-  
ղեցնում է երկուսին և առաջ է բերում ձգտում  
բազմազանելու սէրը: Երբեմն էլ ամուսնութիւնը

խզուում է այն պատճառով, որ միայն ամուսնութեան մէջ երեան են գալիս բնաւորութեան անհաշտ և անզուրեկան յատկութիւններ: Քիչ չէ պատահում նոյնպէս, հէնց որ անցնում են կրքի առաջին բռնկումները, երեան է գալիս չափից դուրս մեծ տարբերութիւն և մեծ հակասութիւն հայացքների և կրթութեան մէջ: Կամ թէ նիւթական չափազանց ծանր հանդամանքները յանկարծ սուր հակասութիւն են կազմում սովորական կեանքի վերաբերմամբ: Մի խօսքով բազմաթիւ պատճառներ, որոնք հեռանք են կամ նիւթական պայմանների, կամ բոլորովին զանազան, յաճախ արուեստական կերպով ծնեցրած հոգեկան կարիքների և հայացքների, առաջ են բերում ժամանակակից ամուսնութեան մէջ այնպիսի դրութիւն, որ յաճախ դառնում է անտանելի տանջանք երկու կողմերի համար, որ քայքայիչ ազդեցութիւն է անում ընտանեկան կեանքի և երեխայոց կրթութեան վերայ բացասական մտքով, բայց միևնոյն ժամանակ և դարձնում է անդործադրելի այս ապագայում միակ խելացի միջոցը—ապահարգանք փոխադարձ համաձայնութեամբ, որովհետև սրան խանգարում են զանազան տեսակ նախապաշարմունքներ: Այսպիսի տխուր դէպքեր և երջանկութեան արգելքներ ամուսնութեան մէջ սօցիալիստական հասարակութիւնը չը դիտէ, և որտեղ դրանք, որպէս բացաւութիւն, պատահում են, այնտեղ հեշտութեամբ վերացւում են: Ամուսնութիւնը, բառիս բուն նշանակութեամբ, է մասնաւոր դաշն, կապուած երկու կատարելապէս համա-

հաւասար իրաւունքներով օժտուած կողմերի մէջ, և կարող է խզուել առանց որևէ արտաքին արգելքների, հէնց որ մասնակցողների յարաբերութիւնները զարձնում են այդ անհրաժեշտութիւն:

Չի կարելի երեակայել աւելի մեծ անբարոյականութիւն, քան այն, երբ երկու մարդիկ, չը տանելով և չը յարմարուելով միմեանց, բռնի կապուած են միմեանց հետ մինչև կեանքի վերջը: Այս պատճառով էլ վնասվում է ոչ միայն սրանց սեփական բնաւորութիւնը, ընդունելով այսպիսի ստիպողական դրութիւնից ամենավատ յատկութիւններ, այլ և վնասվում են բոլոր նրանց շրջապատողները և մանաւանդ երեխայքը: Ոչինչ այնքան ճնշող և քայքայիչ ազդեցութիւն չունի երեխաների վերայ, ինչպէս ծնողների ամենօրեայ օրինակները, միմեանց հետ անհաշտ լինելը, միշտ երեխաների ներկայութեամբ, պատահելուն պէս միմեանց յանդիմանելը, ատելութիւնը կամ մի որ և է աւելի վատ դէպքը: Այս բոլորի հետ երեխաների գէպի ծնողներն ունեցած յարգանքը և սէրը կտրւում է և յաճախ առաջ է բերում երեխաների հոգու մէջ դառը շփոթ:

Ոչինչ չի կարող այնպէս խիստ դատապարտել բուրժուական ամուսնութեան ստիպողական բնաւորութիւնը, պայմանաւորուած անտեսական յարաբերութիւններով, քան այսպիսի կամ համանրման փաստերը՝ որոնք, այս անկարելի է հերքել, տեղի են ունենում շատ ամուսնութիւններում: Բուրժուական հասարակութիւնը չը դիտէ միջոց և չի էլ կարող ունենալ, որ դիմադրի այսպիսի դրու-

թեան: Laisser faire-ը այս դէպքում ևս բուրժուական իմաստութեան ամենաբարձր չափն է: Սօցիալիստական հասարակութեան մէջ ամուսնութիւնը ամենամաքուր յարաբերութիւն է փոխադարձ սիրոյ վերայ, յարաբերութիւն հիմնուած հաւասար իրաւունքների տէր մարդկանց, կրթուած փոխադարձ յարգանքներով: Այսպիսի ամուսնութիւնը ունի անսահման աւելի բարոյական հիմք, քան ժամանակակից ամուսնութիւնների մեծամասնութիւնը, որովհետեւ երկու կողմերը միանում են միմեանց պատկանելու մտադրութեամբ: Սօցիալիստական հասարակութեան մէջ գոյութիւն չի ունենայ, ինչպէս այդ վերագրում են սօցիալիզմին նրա շարավիտ և անխելք հակառակորդները, այսպէս կոչուած «կանանց ընդհանրութիւն» — որի առունը նոյն իսկ կնոջ ամօթայի անարգանքն է արտայայտում, և որը իսկապէս գոյութիւն ունի մի քանի դասակարգերի համար: Ընդհակառակը, ինչպէս այդ հաստատուում է հեշտութեամբ, ժամանակակից ստիպողական ամուսնութիւնը աւելի մեծ իրաւունքով կարելի է անուանել անըստոյական յարաբերութիւն: Ո՞րքան աննշան է այն ամուսնութիւնների թիւը, որոնց կնքուելու ժամանակ հաշուի չեն առնվում հարստութիւնը և դասակարգը: Ո՞րքան բազմաթիւ են այն դէպքերը, երբ կինը ամուսնանում է ոչ սիրոյ, այլ նրա համար որ կեանքի պայմանները ստիպում են նրան տեսնել ամուսնութեան մէջ «տնանկներին պաշտպանող տուն»: Ո՞րքան յաճախ են այնպիսի ամուսնութիւններ, ուր տիրապետում է այնքան

մեծ անհամաձայնութիւն, որ, չը նայած նոյն իսկ կնոջ համար անյաջող պայմաններին, գործը հասնում է ապահարգանի: Եւ գործեալ, սրբան յաճախ են այնպիսի ամուսնութիւններ, երբ երկու կողմերն յարմարում են լուռ ու մունջ, որպէս զի գործը չը հասնի «հասարակական խոստատակութեան», աչքի առաջ ունենալով զանազան գործնական շահեր: Եւ վերջապէս սրբան է՛ն այնպիսի ամուսնութիւններ, ուր տիրում են եթէ ոչ կոիւններ և խոտվութիւններ, զոնէ սառը, սովորական կեանք «մէկը միւսի կողքին», որի հետ մի կերպ հաշուում են, որովհետեւ այլ կերպ անկարելի է: Ընտանեկան կեանքին ծանօթ եղողներէց սրբ յանձն կառնի հերքել այդ: Բայց և այնպէս, գտնուում են և այնպիսիներ, որոնք պնդում են, թէ ժամանակակից ամուսնութեան ձեւը ամենապաւ և նպատակայարմար «սուրբ» հիմնարկութիւն է: Գերմանիայում 1873 թ. ութ պրուսական գաւառներում զանգատաւոր ամուսինների թիւը, որոնց գործերը հասել են քահանային, հասնում էր 7325-ի, որոնցից 2829-ին հաշտեցրել են շնորհիւ քահանայի «համողելու ճարտարութեան», 3377-ը մնացել են անհաշտ, իսկ 1119 գործեր դեռ մնում էին չը վերջացած: Այս թուերը, վերաբերում են միայն մի տարուան և միայն բողոքական ժողովրդին, որովհետեւ կաթոլիկ եկեղեցին, ունենալով իր մէջ ազգաբնակչութեան մի երրորդ մասը, խիստ մերժում է ապահարգանք և յամառ կերպով պահանջում է պահել արդէն մի անգամ կապուած ամուսնութիւնը: Բացի դրա-



նից ոչ որ չի հաւատալ, որ քահանաներով հաշտուած ամուսինները իսկապէս հաշտ են: Նոյն տարում կրկնուել են կոիւնների 463 գէպքեր, որոնցից 267, այսինքն աւելի քան 1/2-ը ամուսինների մնացել են առանց հաշտուելու և վերոյիշեալ 3377-ի նման ստացել են ապահարզան: Եւ այս է ժամանակակից բարոյական ամուսնութիւնը, իսկ քանի՞ հազարներ խոյս են տալիս այս վերջին քայլից:

Սօցիալիստական հասարակութեան մէջ ամուսնութեան պտուղները — երեխայքը, թափուած անանկներին պաշտպանող աներուս, կրթաբաններուս կամ մեծանալով ողորմելի խեղճերի անակներուս, չը պէտք է փշանան, ինչպէս այդ պատահում է յաճախ այժմս. իսկ միւս կողմից նրանց երես չեն տալ մանկանոցներուս կամ զիշերօթիկ վարժարաններուս, բայց նրանց հետ կը վարուեն իբրև թանկագին բոյսերի հետ, որոնց զարգացողութիւնը պահանջում է մեծ հոգացողութիւն: Սօցիալիստական հասարակութիւնը հոգ կը տանի երեխաների յառաջադիմութեան և բնական զարգացողութեան վերայ, չը խանգարելով դրա հետ և ծնողների սիրուն: Պարտադիր ընդհանուր ուսումը կը հաանի պարտադրուած ընդհանուր կրթութեան:

Սորա հետ միասին, երբ սօցիալիստական հասարակութեան մէջ կանյայտանան ժամանակակից պակասութիւնները և յանցանքները ամուսնութեան մէջ, այն ժամանակ կը վերանայ նոյնպէս մանկապանութիւնը, որ կատարվում է այ-

ժամ ամենաողորմելի և զժրախտ էակների—կանանց ձեռքով, որոնք խարուել են գայթակղեցնողներից կամ վախեցել հասարակական արհամարհանքից կամ միջոց չեն ունեցել պահելու իրանցից ծնուած խեղճ էակներին:

Կը վերանայ վիժելը, այդ գղուելի անբնական միջոցը, տարածուած այսպէս ստուած, կրթուած կանանց մէջ, իւրեանց մեղքը ծածկելու նըպատակով, կամ խանգարել երեխայի ծնունդը, որին անկարելի է կրթել «իւրեանց կոչման համաձայն»: Կը վերանայ վերջապէս պոսեկութիւնը, որ զարգանում է օրէցօր, որովհետև ընտանիքի համար գոյութեան միջոցի ձեռք բերելը աւելի է զժուարանում, որովհետև բանուր կնոջ աշխատավարձն ընկնում է և որովհետև մեծ թրուով երիտասարդ սղամարդիկ, զանազան պատճառներից զրգուած, հրաժարվում են բնտանեկան կեանքից, բայց և աւելի խիստ են փնտրում բաւականութիւն իրանց սեռական պահանջների համար ամուսնութիւնից դուրս:

Չէնց սոքա են գլխաւոր պակասութիւնները, որոնք ընդգրկում են զարհուրելի կերպով մեր ամբողջ հասարակութիւնը, տարածում անասելի աղքատութիւն շատ ընտանիքներում և վարակում ամբողջ հասարակութիւնը:

Մարդկային ճնշուած բնոյթը ձգտելով ազատութեան իրան ճնշող կապանքներից, որ դրել են նրա վերայ հասարակական հիմնարկութիւնները և պահում են քաղաքական ու եկեղեցական հիմնարկութիւնները, ստիպուած է զիմել յան-

ցանքի, իբրև միակ ելքի: Այն գորեղ վրդովմունքը, որ ստանում է կեղծ ուղղութիւն մեր անարդար պայմանների շնորհիւ, ստեղծում է յանցանք, որը պատժւում է հասարակութիւնից խրատութեամբ և անգթութեամբ, չը նայելով որ ինքըն է այդ բոլորի պատճառը:

Յանցանքների թիւը աւելի ևս կը մեծանայ, որքան մարդկային բնական գոյութեան պահանջներն աւելի ստիպողական են դառնում և նրանց բաւարարութիւն տալն անհնարին է լինում հասարակութեան ժամանակակից կազմակերպութեան միջոցին: Հասարակութիւնը չի հանգստանայ մինչև չի ստեղծուի նոր կազմակերպութիւն, որ հնարաւորութիւն կը տայ ամեն մարդուն զարգացնելու բոլոր իւր ձիրքերը և ընդունակութիւնները, սովորեցնելով, կրթութեան լայնացում, խելացի սիստէմի միջոցով, գործազրել իւր ոյժերը, թոյլաբերելով, ամենքի համահաւասարութեան վրայ հիմնած ազատութեամբ. շահագործել իր ոյժերն ու ձիրքերը իր սիրած գործի մէջ, և տալով ամեն մէկին իրաւունք, իբրև ինքնառտինքեան հասկանալի մի բան, վայելել հասարակութեան բոլոր արդար վաստակները:

Մանաւանդ երկու գասակարգ ժամանակակից հասարակութեան մէջ պիտի աշխատեն, յանուն իրանց շահերի, հասնելու այս նպատակին— պրօլետարիաները և և կանայք:

Վաղուց ժամանակ է, որ գերմանական սօցիալիզմը հասկանայ այն շատ կարևոր շահը, որ ունեն կանանց համար նրա ձգտումները և գործէ

սրան համաձայն: Քնքոյշ, խորը թափանցող մի զգացմունքով, որ նա, իբրև ճնշուած, տածում է դէպի ճնշուածները և որը բնագոյմամբ տալիս է նրան յոյս, թէ ազատելով մէկ ճնշուածին, կը վերջանայ կամ կը թեթևանայ և նրա սեփական ճնշումը, նա ամեն մի բանար շարժման մէջ խաղում է աչքի ընկնող գեթ, նուիրուելով նրան ամբողջ հոգևով: Այդ են ապացուցանում, ըրիստոնէութեան հիմնադրութիւնն ու ապրածումը, կրօնական—սօցիալական շարժումները միջին դարում, գիւղացիական պատերազմը, ֆրանսիական յեղափոխութիւնը, յունիսեան անպահանջքը, կոմունիստական շարժումը: Մենք ներհիշումն պատահում ենք կանանց ուլտրամօնտանեական (պապական իշխանութեան կոյր կողմնակից) և սօցիալիստական բանակներում: Նրանց մասնակցութիւնը ուլտրամօնտանեան շարժման մէջ բացատրվում է նրանով, որ նոցա մտքի զարգացողութիւնը դիւմամբ անլի սաստիկ էր արհամարհվում, քան պրօլետարիաներինը: Չէ որ ճնշողների առաջին և զլխաւոր պայմանն է պահել ճնշուածներին անգիտութեան մէջ: Այս պատահում է համարեա առանց բացառութեան ամեն գասակարգի կանանց մէջ: Պրօլետարիատ կինը հոգեպէս աւելի մօտենում է բուրժուա կամ արիստօկրատիական գասակարգերի կանանց, քան տղամարդ պրօլետարիան նոյն գասակարգերի տղամարդկանց:

Որտեղ քանակականութիւնը թոյլ է զարգացողութեան և վարժութեան բացակայութեան պատճառով, այնտեղ անլի զարգացած է զգացմունքը:

Այդ շափից դուրս—ի վնաս բանականութեան— գօրեղ զգացմունքը շահագործուել է առանձնապէս եկեղեցու կողմից, որ հիմնուած է միայն զգացմունքի վրա: Կիւր եկեղեցուն հաւատարիմ է, որովհետեւ յոյս ունի՝ գտնել նրա մէջ իւր վշտերի միխթարողին, դժբախտութիւններից ազատողին, որոնց առաջ նա իրան զգում է միանգամայն անպաշտպան: Սօցիալիզմի նպատակն է— ազատել կնոջը այսպիսի մոլորութիւնից և նոյնպէս խլել նրան եկեղեցոյ ձեռքից: Նա պատկանում է մեզ, մենք կուռում ենք նրա իսկական ազատութեան համար, միայն մեր նպատակների իրականացման մէջ նա կը գտնի իսկական ազատութիւն և անկախութիւն. գորա համար թող նա կանգնի մեր կողմը իբրև դաշնակից: Ազատելու ժամանակ կիւր ի նկատի է առնվում ոչ միայն իբրև ամուսին, այլ և իբրև քաղաքացի, բանուոր և առհասարակ իբրև հասարակական էակ:

Կարևոր յարաբերութիւնների կարճատուս բացատրութիւնը կապացուցի այդ:

Միթէ կնոջ, իբրև ամուսնու, շահը չէ հասարակական կեանքը, հիմնուած խաղաղ զարգացողութեան վրայ: Պատերազմը սպառնում է նրան զրկել ամուսնուց, իբրև իր երեխաների հօրից և կերակրողից: Ամենայաջող զէպքերում պատերազմը ծանր զրկանք կամ իսկական քայքայում է պատճառում նրա անտեսութեան՝ երկար ժամանակով կամ ընդմիջտ: Պատերազմը սպառնում է նրան իւր որդու մահով կամ անդամալուծութեամբ, որին նա չարչարանքով և ցաւերով ծնել է, աւե-

լի շատ քան երկու տասնեակ տարի խնամել պահել է մայրական գութով, որը զիշեր ցերեկ նրա մտածողութեան առարկան է եղել և որին նա յոյս ունէր ծերութեան հասակում ունենալ իւր միխթարանքն ու նեցուկը: Եւ եթէ նոյն իսկ իւր կասկածները բախտաւորութեան վերաբերմամբ չեն իրագործվում, քանի՞ ամիսներ պէտք է անցկացնի մահուան սարսափի մէջ: Թէ որքան մեծ պէտք է լինի շամուսնացած կանանց շահը կեանքի խաղաղ ու հանգիստ զարգացման պայմաններում, ցոյց են տալիս մեր վերև բերած թուերը: Պատերազմը և նրանից առաջ եկած գաղթականութիւնը մեծացնում են աղջկայ համար իւր ամուսնական և մայրական կոչման չիլիագործելու հաւանականութիւնը, նրա կեանքի այդ նշանաւոր և զեղեցիկ նպատակը:

Կեանք լափող պատերազմը սպառնում է կրնոջը, բայց սա անկարող է փոխել որ և է բան: Որովհետեւ նրա ճայնը ոչինչ են համարում: Հայհոյանքները և ծաղրերը թափվում են նրա վրայ սահմանափակ խելքի տէր ազամարդկանց կողմից, երբ կիւր համարձակվում է պահանջել ընտրութիւններին մասնակցել, իւր մարդկային ու կանացիական իրաւունքների պաշտպանութեան նըպատակով:

Եւ ինչպէս այս զէպքերում, նոյնպէս է զրութիւնը թէ պետական և թէ հասարակական կեանքի մէջ: Կիւր զլիաւորապէս տանջվում է կողմնակի տուրքերի ծանրութեան տակ, գոյութեան միջոցների թանգանալուց և վատանալուց, առա-

չացած շահագործութիւնից և խաբեբայութիւնից, որոնք գարձնում են նրա համար անհնարին նրան թողուած փողերի գումարով ձեռք բերել սովորական կարիքների միջոցները:

Հէնց որ կինը կը հասկանայ օրէնքների դրութիւնը հարկային ժողովի մասին, նա կը փոխուի, կը դառնայ ագիտատօր, չը զիջանելով գործունէութեան և եռանդի մէջ ամենավճռական տղամարդուն:

Եւ միթէ կնոջ բարձր շահը չէ կանոնաւոր դրված կրթութիւնը. ոչ միայն ընդհանուր այլ և մասնաւորապէս կանանց կրթութիւնը: Ինչպէս տղամարդկանց տիրապետող դասակարգը, որ նիստեր ունի պետական և հասարակական հիմնարկութիւնների մէջ, այն կարծիքի է, որ խեղճ երեխան պէտք է բարձր ուսում չըստանայ, որ շատ իմաստուն և զորա շնորհիւ, շահագործութեան հակառակորդ չը դառնայ, ճիշտ այդպէս էլ նա գտնում է, որ աղջկերքը պէտք է ստանան անհամեմատ աւելի քիչ ուսում քան տղաները, որովհետև այդ է պահանջում նրանց ապագայ կոչումը, երբ ամուսնու կամքին հնազանդուող տան տիկին պիտի դառնան: Սելօք կինը— դժբախտութիւն է: Դասակարգերի տիրապետութիւնը և սեռերի տիրապետութիւնը միևնոյն հետևանք են տալիս:

Միևնոյն են արդօք հետևանքները: Ո՛չ, կնոջ համար որոշ հանգամանքներում այդ հետևանքները կուտակուում են աւելի ևս ճակատագրական կերպով: Իբրև բանուոր, նա իւր արհեստի մէջ

առաջանում է նոյնքան, որքան և տղամարդը, իսկ աւելի նուրբ գործերում, որոնց մէջ նա առաւել ևս ընդունակ է տղամարդուց, աւելի շատ է առաջադիմում: Բայց և այնպէս կնոջ աշխատանքը աւելի վատ է վարձատրվում քան տղամարդունը: Այդ նոյնքան վերաբերում է բուրժուա ձեռնարկողին, որքան և տէրութեանը: Վերջինը կանանց պաշտօն է տալիս փոստատներում, երկաթուղում, հեռագրատներում: Ի՞նչու համար: Կարգապահութիւնից դրուած արդեօք: Ամենին ոչ: Տէրութիւնն այդ անում է նրա համար, որ կինը աւելի էժան է աշխատում և ներկայացնում աւելի ճշտ ընկճուող գործիք, քան տղամարդը:

Իբրև աշխատող, կինն աւելի մեծ շահ ունի ընդհանուր սօցիալական օրէնսդրութեան մէջ: Բոլոր հարցերը, որոնք վերաբերվում են աշխատող տղամարդկանց, միատեսակ հետաքրքրում են— և կնոջը: Արդեօք գործերի կանգնած դրութիւն առաջացնող պայմանների մէջ ենք ապրում, թէ այնպիսի պայմանների մէջ, երբ անազին կրիգիտներին յաջորդում են արդիւնաբերութեան ամենավայրենի փարթամութեան շրջանները, այդ միևնոյն չէ կնոջ համար: Մի խօսքով ոչ մի հասարակական երևոյթ չի կարող կնոջ համար չունենալ նոյն շահը, ինչ որ տղամարդու համար և եթէ նա ամուսնացած է, այս շահն աւելի ևս մեծանում է:

Կինը շնորհիւ իւր անպաշտպան դրութեան աւելի ևս գտնուում է շահագործողի ձեռքում. նա յաճախ ստիպուած է նոյն իսկ իր պատիւը սալ շահագործողին և նրա ծառայողներին ցեխոտելու



համար: Կանանց մի նշանաւոր քանակութիւն, աշխատելով մեր գործարաններում, մեր մօզային խանութներում, կանանց ձեռագործների խանութներում, գրասենեակներում, բիւրօներում և այլն, ծառայում են իւր հրամայողի վաւաշտա կրքերին: Այդ հիմնարկութիւններից մի քանիսները ներկայացնում են իսկական հարէմներ: Այդ ստոր ծառայութեան ինչպէս ինքնակամ նուիրուողները, նոյնպէս և նորա, որոնք անում են այդ ստիպուած, կնոջ սօցիալական զբոսանքներն են: Բաւական չի որ շամուսնացած կինը պէտք է գոհի իրան իւր— «հացատուի» կրքերին, քիչ չեն և այնպիսի դէպքեր, երբ հարուստ և բարձր դիրք ունեցող անառակը մտնում է և ընտանիքի խորքը և ստիպում կնոջը, վերջինիս իւր ձեռքում գտնուող ամուսնու օգնութեամբ, անձնատուր լինել իրան: Թէ բանուորների և թէ աստիճանաւորների շրջաններում նմանօրիակները պակաս չեն: Այս բոլոր զբոսանքների պատճառները, կրկրում ենք, թագնուած են միայն մեր սօցիալական պայմաններում:

Իսկ ժամանակակից հասարակութիւնը պարծենում է իւր բարոյականութեամբ, քարոզում է ամուսնութեան սրբութիւն և գովում է իւր բարքն ու ուսումը: Իսկ ով այս զբոսանքները զննում է անաչառ կերպով, նա զայիս է միանգամայն հակառակ եզրակացութեան: Ուստի և Ceterum censeo՝ չը կայ ուրիշ միջոց, բայց եթէ առողջ պայմանների վերանորոգումը սօցիալական հիմքերի վերայ:

139

ԳԻՆՆ Է 10 ԿՈՊԵԿ

« Ազգային գրադարան



NL0235816

55.794

